

ՀԱՅ ԿԵԱՆՔ ԵՒ ԵԿԵՂԵՑԻ

ՀԱՅԿԱԿԱՆ ՀԱՐՑ

ԵՐԵՔ ՊԵՏՈՒԹԵԱՆՑ ՊԱՏՄԱԿԱՆ ՀԵՌԱԳԻՐԸ

ՀԱՅԿԱԿԱՆ ԿՈՏՈՐԱԾՆԵՐԻ ԱՌԹԻԻ

(ՊԵՏ. ՀԵՌ. ԳՈՐԾԱԿԱՆՈՒԹԻԻՆ)

(Պաշտօնական)

ՊԵՏՐՈԳՐԱԴ, 12 Մայիսի.— „Հայաստանում տեղի է ունենում հայերի կոտորած վերջին ամբողջ ամսուայ ընթացքում, քրդերի և տաճիկների ձեռքով, օսմանեան իշխանութիւնների պարզ անփութութեան պատճառով, և երբեմն էլ նրանց անմիջական աջակցութեամբ: Ասլիլի կիսին (նոր տումարով) տեղի է ունեցիլ հայերի կոտորած էրզրումում, Բերզանում, Էգլինում, Բիթլիսում, Մուշում, Սասունում, Զէյթունում և ամբողջ Կիլիկիայում: Վանի շրջակայքում գլխովին կոտորուած են հարիւրաւոր գիւղերի բնակիչներ: Վանում քիւրդերը պաշարել են հայկական մասը: Միւսոյն ժամանակ Պօլսում թիւրք կառավարութիւնը ձերբակալում և անլուր ճնշումների է ենթարկում խաղաղ հայ բնակչութիւնը: Նկատի առնելով այս նոր ոճիրները, որ գործում է Թիւրքիան մարդ-

կութեան և քաղաքակրթութեան դէմ, Ռուսաստանի, Ֆրանսիայի և Անգլիայի դաշնակից կառավարութիւնները հրապարակով յայտարարում են Դրանը, որ իրենք այս բոլոր սճիւրհների համար անձեռական պատասխանատուութիւն են դնում թիւրք կառավարութեան բոլոր անդամների, նոյնպէս օսմանեան իշխանութիւնների այն տեղական ներկայացուցիչների վրայ, որոնք մասնակից եղած կրլինին այդպիսի կոտորածների՝:

«Արարատ»-ի ընթերցողներն արդէն գիտեն՝ որ Հայաստանում տեղի ունեցած դժբախտ հայերի կոտորածների լուրն առնելուն պէս՝ Ազգիս վշտացեալ Տ. Տ. ԳԵՈՐԳԵ. Վեհափառ Կաթողիկոսն իւր պատմական հեռագիրներով*) դիմեց Ռուսաստանի, Ֆրանսիայի, Անգլիայի, Իտալիայի և Միացեալ Նահանգների կառավարութեանց և սրանց ուղադրութիւնը դարձնելով Հայաստանում քրդերի ու տաճիկների ձեռքով տեղի ունեցած հայկական կոտորածների վրայ, խնդրեց այդ պետութիւնների մարդասէր պաշտպանութիւնն ու հովանաւորութիւնը՝ փրկելու բազմաչարչար տաճկահայ ժողովուրդը և զսպելու խորտակող տաճիկ կառավարութեան գազանային հակումները:

Մի քանի օրից յետոյ Վեհափառն ստացաւ այդ կառավարութիւններից յուսադրական պատասխաններ: Վեհափառի դիմումները երեք դաշնակից պետութեանց համար խորհրդածութեան նիւթ դառնալով՝ հանդէս եկաւ Ռուսաստանի, Ֆրանսիայի և Անգլիայի կառավարութեանց կողմից վերև առաջ բերած 12-ն Մայիսի պատմական հեռագիրը: Դաշնակից պետութիւնները այդ հեռագրով ամբողջ աշխարհի առաջ հաստատում են Հայաստանում տեղի

*) Տես «Արարատ»-ի ներկայ տարուայ Փետրվ.—Մարտ համարները, էջ 170—177:

ունեցող դժբախտ հայ ժողովրդի կոտորածների փաստը, Պօլսի և այլ տեղերի խաղաղ հայ ազգաբնակչութեան դէմ գործած խժդժութիւններն ու ճնշումները, և ապա սպառնալով, հրապարակով պատասխանատուութեան են կոչում կատարուած ոճիրների համար Թիւրք կառավարութեան բոլոր անդամներին և տեղական ներկայացուցիչներին, որոնք մասնակից են եղել հայկական կոտորածներին:

Գէթ այս անգամ յուսանք, որ երեք հօր դաւնակից պետութեանց այս ազդու դիմումը կը սթափեցնի արեւ-ծախնդիր Տաճիկ կառավարութեան, յանցաւորները կըստանան իրենց պատիժը, իսկ անմեղ հայ ժողովրդի թափած արիւնն էլ կըլինի վերջինը: Անշուշտ պէտք է իրականանայ Անգլիայի կառավարութեան կողմից նախարարապետ Ասկվիտի հոկտեմբերի 28-ին Հիլդ-Հոլլում Տաճկաստանի համար արտասանած հետեւեալ ճակատագրական խօսքերը. «Անգլիան սուրբ պատեանի մէջ չի դնի, մինչեւ որ չհնչուին քաղման զանգերը Տաճկաստանի տիրապետութեան՝ ոչ միայն Եւրոպայում, այլ նոյն իսկ Տաճկաստանի Ասիական երկրների մէջ, որովհետեւ Տաճկական կառավարութիւնն ինքնապանութիւն է գործել եւ սեպհական ձեռքերով փութել իւր գերեզմանը»: Այո, պէտք է վերջապէս Հայաստանում հնչուեն Տաճկաստանի տիրապետութեան թաղման զանգերը, որպէսզի միաժամանակ բազմաշարժար հայ ժողովրդի յուսալից խաղաղ կեանքի յարութեան զանգերը ղօղանջեն և ուրախութեան «Մեծ Աւետի»-ը տարածեն ամենուրեք:

ԿՈՏՈՐԱԾՆԵՐԻ ԶԱՅՆԸ.

Ազգիս Վեհափառ Կաթողիկոսը մայիսի 13-ին Մանազկերտից (Բերդ) ստացել է տեղական առաջնորդական փոխանորդ Յովհաննէս քահանայ Տ. Աւետիսեանից 1915 թ. 7 մայիսի թուակիր գրութիւնը, որով նկարագրում է Մա-